




1801



鮎崎亭詩集

二



Inches
Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow


Red

Magenta

White

3/Color

Black



鮎埼亭詩集第四卷

甬上全祖望紹衣著

題果堂內稿後時其仲孫世法方擬開雕

以下抄詩集

碧血恨猶舊蒼宮怨未荒百年埋井深此日朗星芒
軼事徵山海瘦詞託漢唐重泉應一笑魂魄慶重光

題李文昭武殘集後

甘谷向予索昭武先生遺文當年此老大有

中西臺冬青之作而今散佚殆盡予就其家求

得殘集連得三百篇與之亦足見其大節矣

題五律一首索和

讀盡梅遣稿無如生祭文豪芒要足重流落又何云
繼終鮫人泪蕭寒鯤壑雲苦心有羣從聊以慰殷

中秋前一日得林評事荔堂明鶴草堂集正氣

錄二書狂喜從湖上戴月歸得詩一首

晞髮先生慟哭餘白雲源下殉其書應憐許劍荒亭
路誰人為我發此儲所南先生閉牖函塵蒙管井心
已獸四百年來噴土出又復令我疑信參諸公之作
竟沈埋長虹不克振灰灰空令壯士中夜舞獨自蒼
茫賦大哀荔堂老子古人徒曾向鄧林追陽鳥晚年
日莫尚伏握裂竹如意碎唾壺我嘗求之二十年魂

祈夢祝有無間故人出之持示我寒芒五緯生蒼烟

喜而不寐急挑燈明月耿：窺疎櫺騎龍被髮倘臨

我一曲楚詞些酌青冥評事族孫
貽予此書

哭姚江邵徵士昂霄

三黃淪喪後姚水久蕭寥絕學不終替夫君胡早凋

古松餘歷筭白眼罵文妖十載別離恨芳魂何處招

秋日之浮石周氏訪立之韞公殷請諸先生遺

文多散佚者其殘斷篇帙後人又閱之不肖

畫出即賦七律四首曉之

志士椎文重兩朝瞻懷舊德我心勞鸞湖遺猷光前

史彭澤哀音祖屈騷奕葉未消埋井鐵熙時不諱背
陽桃故家尚有賢孫子莫使青箱絨固牢

三和尚暨兩監軍謂通城思南順德及立之石公故國遺民最佚羣

並有清吟成奕徵祇愁闕篋淚前聞百年星火喘喬

木一卷霜毅徹暮立之與順德合刻霜毅集笑我癡心長繾綣

挑燈絮索不嫌頻

華貫追思先秩宗西家倡和最春容先侍郎與文穆公同為湖社盟

主先舍人與光祿副之竭來並罹朵田痛此日重尋錦里踪理

碧定憐十世厄殺青誰發舊時封南湖詩老遭牽帥

慷慨同聽午夜鐘謂絳翁

一棹匆出郭來尚餘殘菊傍籬開滿湖秋色排三

迤十里西風動八哀洛社耆英多聚散浦江人物幾

興哀隔隣歌吹喧清夢我獨長吟酌玉醕

南皋見予甬上者舊集中所錄錢侍御帝里篇

而嘆賞不置即和其作

琅琦江上無寸土重研婦來淚如雨側身且作蘆中

行冥飛頻為弋者驚頭顱出自鮫人室剩餘一絲不

我絕莫道我身鴻毛輕雄虹光照枯燐青揚旌符命

那可讀高廟聞之鬼夜哭不見茂陵秋芒夜聞馬

嘶何處望嗟哉我家故粟里回首徒傷急景駛袖中

尚有一卷書我兄幕府之由餘十年以來長箱口明
表于股更于肘祇應投之九天門天門誅蕩白日昏
與人家國良多事一夢桐、遠起、是誰讀之叩鉢
催染豪重吹九吹反謝翱方鳳良俊物嘔出當年朱
烏血

芍庭為予至青山求元人葉編修家乘抄其遺
文歸而反舟卻快甚巨芍庭負之行東錢湖
上四十里始至亦韵事也贈以七古

芍庭嗜學老愈勤露抄霜纂志斯昏為我四友疏附
人貧而其氣倍嶙峋昨我搜羅通里社殘編叢說證

榆枋青山葉氏本清門樗寮墨跡四壁存翰林功名
在施水三屏双鵲稱神君道園鴻筆壯墓上雲林行
卷面水濱五百年来大掌故潜伏令我魂夢般芍庭
曰諾吾其往尚其勞我金波樽是日前行抵湖曲笑
我眼穿落日曛豈知歸來乏舟楫背負巨冊喘呼吸
計程重趼里四十蒲袖青山嵐影濕我無杖頭僅茶
供反叨乾魚綠雪蕪以此下書足雜誦芍庭以魚菜貽我
度歲困甚而老友陳南皋之困更甚于予欲拯
之而不克為之一嘆

孤負諸公緩急需而今我亦嘆枯魚龍川從此成狼

疾空自印須望驅虛

探梅

花信第一番猶為寒谷閉花王望眼穿夜：傳急遞
 其奈淡旬來積雪長蕉萃水仙困層冰山茶忽中滯
 古梅最崢嶸六復需左次但見彼唐花鴈奔夸明媚
 吁嗟造物手別自探神秘其醞釀有時其發行有會
 風雨所淹苗未必無深意躁心吾無容候命在居易
 連朝多春色向榮枝如醉諸公來蕭齋一鼓助作氣
 叩鉢有新詩天公亦所契李即方刻期同整寶岩屐
 一卷寒香吟我為發沉疴

調寒香道人戴花翁

吹醒山中魂來

送隴頭使

仲春仲丁之半浦陪祭梨洲先生

黃竹門墻尺五天瓣香此日尚依然千秋兀自綿薪

大三送勞君盼渡船主人正在岸上送予舟酌酒消寒欣永日

挑燈講學憶當年宋元儒案多宗旨肯令遺書歎失

傳時臨之屬子續成先生宗元學案

甘谷以重三日過我亭午不能作一飯內子以

糕進漫賦一律索笑

先生失德定難言瑣：乾餼已名慙斗酒隻雞良不易
 葱湯麥飯亦蕭然空教日影匆：度剩得花容款：

妍底事重三作重九題糕忽上買錫箋

送錢二池之黃蘗山 用前韻

太保當年戀淨土古田一區避風雨至今猶傳神旗
 行山中父老習不驚東村有子理土室杜鵑之淚何
 時絕夜、魂浮一葉輕來往幾度榕江青整錄一編
 耶忍讀歲、山僧墓下哭淒風涼月兩茫、豈不懷
 端非可望孤兒今年辭故里海風送楫如電駛第二
 碑成擬大書發揚潛德無剩餘此行佳話落人口豈
 以窮愁成掣肘白頭終得展墓門一慟仰視箕橫昏
 而今始畢孤兒事重泉聞之一笑起江頭湖落風信

催寒食家、飛紙及精誠呵護有神物老蛟為君助
 泣血

薄暮過愚亭見其少子五即讀罷灌園甚有古

意為賦吳體二律

即君說經長兀、聊尔荷鋤道則通采蘭佳句本東
 氏刺棗新說啞荆公夏菑冬葵在曲礼早菘晚韭饒
 清風阿翁有子致足樂切莫落箕荒厥功
 高門羣從半紉袴那得清况供清吟種橐駝樹悟王
 道賣青門瓜識天心誰言孺仲兒寒素為笑南郡家
 插淫春園春草多生意與尔觀物一披襟

甘谷約以元已咬江鯉不料今年入市甚稀乃
以寒具作供寒具故其家所擅長也坐客或
曰惜不以江鯉下寒具斯為双絕或曰江鯉亦

浪得名耳予為一笑紀之以詩

鮑埭亭下春光晚坐嘆江鯉已過時唐突誰人同合
氏品題終應比離枝熊魚未必能無得茗酪何緣得
擅嘗若使明朝慰食指發風動氣我安辭

董遜齋招集同人賞可亭牡丹先過令兄樂窠
齋頭看雪毬席上予誦高武部宮山賦林太
常繭菴宅牡丹詩即用其韻同人相率和之

時同作者為南泉陳汝登映泉董元聰荀庭
錢中盛愚亭董宜甘谷李世法若山胡銘嶧
遜齋董敏暨愚亭之次子秉緼少
子秉純而愚亭復繪圖以紀其事

留補堂前句宮山最有聞曲補太常堂名是集為堂
不嚴霜皋廢翁早堂李野

皆有詩而宮
山為第一花分都勝種香染細湖雲心曲先民古
風光汐社醺到今傳盛事可許續遺文

此日陽春好異乎彼一時花王添羽衛毬躡有軍儀
世值清平運人傳燕樂詩祇應文字飲確鬪試偏師

可亭鏡木石落水雲流大有洛陽勝無為道北遊
清吟成白雪吾道在滄洲花萼方爭秀連枝共唱酬

十日春將去斗杓不復東淋漓杜鵑雨泛濫菜花風前

輩忽焉沒吾儕誰與同奪標驚健手妬殺白頭公是日

南泉鵬政累勝

古井嘆為程尚書配金夫人作女瓊

尚書大儒子不灰非所期尚書且不灰而反得之妻妻挈女俱歿古井生香泥長虹夜半覆古井光與余

閱李黼祠堂齋吁嗟乎尚書不灰非所期尚書究竟歿東市發嘆噫失身早不決應悔負虞彥國史既舛

謬地志復漏遺我歌古井神淒迷明史作尚書傳謂其病卒謬也尚書

以不良歿見閩中今古錄至夫其人殉國府志闕然蓋為可嘆

晦木先生集藏半浦鄭氏予欲錄其詩入甬上

寓公集而求之書閣未得雨窓寂坐大覺無

賴率賦長句索主人和之

鷓鴣山人金石心鷓鴣山人冰蘖吟九十年前甬江

上曾頌日影彈清琴廣陵散幸不終絕殘喘踉蹌席

口尋憂患以來饒著述三易六書何森々化安哀瀑

存敲響猶疑劍出重泉深妾人之口不足信附會謬

語誣曠林誰言哥々行不得我應一洗其豈音竭來

江村索遺集二老閣前寒芒臨白雲千重封四庫但

聞驟雨敲淫々登樓叉手空咄々書帶蕭寥苦霧侵

宣城印在大師以亡國後來砥江披緇予求其

之
蟄茶經十年未得施藥齋令雄江因屬其訪

竹橋老浮屠系出姑山胃耕岩佳子弟裹治良不疾
生天義熙前成佛成淳後哀音和鷓鴣双々稱詩瘦
木時或過吾鄉九老相解后亦或駐寶峯一曲清
商奏沈埋六十年舊井荒泥厚料得九地中尚作老
蛟吼尔家尊先公愚宛雅搜羅舊尔今有續編即以
當肯搢願言亞旁求用補谷音漏東睇白龍堆離々
蔓草茂

哭鄭侍講文筠谷

廿載忘年友相知此寸心談經多妙契覓句有清吟
自我成萍梗勞君念竹林范々天壤大落々幾知音
谷林兄弟來索洛伽蓮種子以去年仲冬遣人
致之深以苦寒為慮意其未必得活也今年
谷林兄弟以詩來告花欣喜而有作
泊花池上妙蓮開可憶明山辛苦來健步踰江踰海
去孤根和雪和水栽波澄猶帶秋湖色蒼蒼遠存西
竺胎似此策勛宜十賚問君何以報花媒

張靚淵示所藏李摶仙觀察故扇其陽為倪文
正公書其陰為張遺民画文正書固足重而

遺民画亦罕矣觀淵索賦七古燈下率筆應

之

翰林尚書李公子廿載愚公為國死元公之後有貞

臣碧血淋漓光世史即用高辰四米家船散故物空

腰扇蕭寒出塵滓清河舫中多貯藏籤軸紛綸難屈

指雨窓為我資古歡毫社初灰宛在此裁：始寧撥

鐙書寒芒尚共衣雲紫文正閣當年椽筆多又分童

烏妙悟在兒齒文正著三友吞罷論三葉鴉鵲胆落

不可止餘事風流寄六書亦復崛奇難意擬何來更

有張三画秋甫真傳風雪裡亡國之識在命名陵冬

之節善傳韻摩挲私印亦自佳不教聖思獨擅美是時

私印推錦衣可惜三絕盡無存殘山剩水僅尔求

遺民詩從來書画重以人苟非其人這堪鄙此書既

屬魯公徒此画遠應所南比又况櫻仙手澤餘如彼

岑鼎連其趾同心臭味託蘭蓀故國雲烟重桑梓主

人寶之揚清風度元規塵隔千里先贈公嘗語遺民

而早署道民其為不祥孰甚生今我輩同此茶苦滿座大笑

送錢二池之黃蘗

漫山黃蘗護忠魂料得爭宮亦倚門屈指甬江秋漲

動吾兒此日發江村

星齋遠我出山且盛夸我用世之才以相款動
其意為我貧也率賦答之

故人矜念蕭寒况珍重雙魚勸盍簪屯女豈應重策
馬蒙夫未必竟多金寸長尺短誰相諒北馬南轅我
弗任不道廿年叨雅素尚將茅束誘春心

諸公哀々天衢上容我山茨一古愚耻學狂生相嫚
罵羞從涸轍乞的孺佐王經術歸農圃逐世報名歇
頽厨苦不自知吾豈敢々將一擲試微軀

三旬九食古人事此是儒生分所甘淡與泊遭良有
會我因吾喪不須泰問妻能叶婦田梁頽子寧為歷

萬漸一曲商歌孤唱罷猶堪援筆奏餘酣

題黃澤望縮齋集後

竹浦悲風暗藤龕落日殘一腔猶血熱萬古總神寒
人近伯夷隘詩非東野酸可憐精術恨莫作劫灰看
木杪屋顛裏心知諒有誰鼠繡蠹蝕後物色更堪悲

莫悼天年天長教詩卷垂三黃真鼎足未許里兒窺

時有妄議先
生高下者

國運方衰日家傳極盛年闔門真克世隻手莫回天
病草還歌鳳吟成定化鷓蓬萊清淺後幸得彙遺編

題鈍軒墨牡丹

澹老好孫子風流尚未闌烏支已洗盡雲氣渾高寒
為贈尔別字廣川小牡丹澹子先輩在襄鄆間有董牡丹之名

哭唐著作丈赤子

鳳泊鸞飄後行踪類賈胡浮生長偃仰百事撻荒蕪
老竟成羈鬼居空卜左徒故人寢門哭能到夜臺無
客自江上來者為子言臨川先生心疾如故健
忘更甚獨有斯夕不置者予之近况也因與

藥齋共為憮然

當年接席談經地廿載升沉恨有餘祇為嗜痂成痼
疾不須入夢動欷歔衰殘空寄相思子零落誰成未

竟書此意旁人猶感歎我心感更何如

除夕得徐丈霜皋別集二冊挑燈守歲選取五

十餘首即題卷後

一卷來從水雪餘不隨人代共迂除宵分浮白憂瓶
罄豫借屠蘇酒一椀

苦節應無媿華王雍山老友足相當祇愁金石心期
秘未盡江村淚萬行全集疑尚未盡于此

張生索我購詩錢阿堵蕭寒竟散然似此追呼亦佳
話冬心淡蕩送殘年張生之枯挾此有求

李氏笑讀居題額乃江夏賀文忠公隸筆也甘

谷揭之見貽敬賦五古以當跋尾

我之江夏公所學醇乎醇一念不安起穆然見天真
 歷官登四輔清苦偃蓬門阿誰庸妄流但以佛子論
 遭逢陽九災左席需絲綸大厦已不支隻手難救焚
 痛哭辭班出老臣早致身江外故壺滿江頭苦霧屯
 浮尸蔽江下孰與公骨尊合門從公殲尤足妥公魂
 思宗五十相歷可指陳哀哉揀文忠早喪一个臣
 南天絕有公並先鼎湖淪于今已百年墨妙猶清芳
 公書雖末技要復雅以馴砌里老儀節舊為東閣賓
 晚節亦無奈一慟隨靈均我遊笑讀居冉三十春

每見必肅拜謂是百世珍類然老屋中正氣長烟煨

張二靚淵讀予所續甬上耆舊詩而曰諸公原

集雖付之一炬可矣予皇恐未敢當也

百家雜碎原應火老眼摩挲幸未花傳寫莫教牧吏

漏別裁只合老辛夸用荆公選唐詩及桑田軼事終

綸出枋社遺文子細查所思拾殘猶有待敢言一攬

盡天葩

擬作雲湖看梅之遊者再而春事尚寂然益二

月之望矣亦自來所希有也

春為寒添閨梅綠雪放遲東風無氣力何以慰翰飢

葭黍滯生意，柔榆感歲時。隴頭如有信，引領望佳期。
甬上耆舊諸公詩集，振拾畧具。獨王丈隣友以
流寓江都求之，未得，因以長句奉託。辭各諸

君

四明瀟洒王公子，野戍雷塘亦可憐。宗國神傷苗稷
句，門生腸斷蓼莪篇。殘山剩水真無賴，破帽青衫孰
與傳。安得清江杜清碧，為予驀地發遺編。

長汀舟行初見梅花

纔報寒梅放，相逢剡水沱。美人已晚晚，孤格倍嗟峨。
槁木乘風動，黃鸝著意歌。東皇如告我，不用嘆蹉跎。

題唐明皇與楊妃並笛圖

不知何人所作，其上
有楊東維詩，最工玉

筍而下
不及也。

開元天子愛長嘯，旦寧王來應詔晚。來花萼漸雕
殘，醉擁美人為同調。抱遺老子才華奇，玉筍諸生遠
莫幾。額唐老筆三四行，當年魂魄猶依稀。我欲更書
好東絹，旁寫小臣元魯縣。微吟一曲于為于，喚醒華
清春夢倦。

吳亭以家藏進賢傳文烈公遺篋見示，并索題

句

龐里先生守撫州，進賢相公當詞頭。泥金一笈易代

白墨妙蕭散如銀勾我聞相公雅風流明童百輩恣
 治遊中書退食五紵裘十萬俸錢散不啻豪士未必
 皆清脩以此枋政宜招尤一或乃克光斗牛南冠繫
 處土一坏熱血道穿重泉幽至今天陰鬼嗽上與
 廬陵少保倅東隅之失西崦收掩卷我亦淚盈眸噫
 嘻吁十五完人墨跡何處求相公其一足千秋翠亭
 嗜古誰與倚室之定器如琳球

寶巖看梅同觀淵

以下百五
春光集

薄暮抵山麓杳然探深冥所困在曲磴所通在神明
 暗香空中來鼻觀早冷秉燭諦視之鹿角交枝橫

微茫陰雲裡下有寒谷冰于鳥驗夜氣孰與旦晝清
 山僧出肅容漏下已二更孤月尚未上荒雞尚未鳴
 獨有梅花魂隨我入前楹解衣慰窘步屐齒俱含馨
 座有軟脚酒足以發詩情山神夜傳語詰旦戒早晴
 在昔寒香翁大節昭滄溟故國之喬木有光先中丞
 噓攬看梅花用晦畢餘生可憐駱義烏垂成莫知名
 我為聞潛德遂足炳日星惜哉罕木吟竟同落花零
 寒香道人乃中丞戴公喬披緇後莫有知其名者予
 讀其噓攬看梅諸集乃得其大節惜尚有罕木諸
 集竟無傳者

侵曉山雨過漸見東榮諸公俱熟睡而我已獨醒

熹微看南枝嫩濕增娉婷披衣出上方曳筇尋古亭
茶甘不可作寒碧委蔓荆廢翁亦仙去梅花失主盟
寒碧亭為宋儒茶甘高公元之遊息之地故茶甘像
供寺中今已亡矣廢翁為茶甘後人嘗自號寒碧亭
長

倒影沒谿碧古心與天青間以虬松枝怒濤時崩騰
誰其音嘹唳遙知是倉庫今年春事苦花信以晚成
黃鐘踰九三薄寒尚未盈豈知萬香雪從此軒豁呈
大雄與河渚梅花夙擅祿鄧尉亦其亞籃輿吾並經
東渡數雲湖累為魂夢縈茲山尤密近洞天列戶扃
其南富橙橘不下双洞迤秋晚倘再來飽看黃雲平

西村諸宿老好句由餘鏗將無即梅花現此宰官靈
平生論詩法雅不喜竟陵獨愛此一卷莫以楚語聽

謂正菴晚山殿請
看梅山中之作

我詩慙高寄薄奏下里聲歸舟按

玉笛晚霞滿江城

海若招賞其家園梅花即和予寶岩詩韵再索

同作

自我西郊歸所夕苦晦冥少霽逢佳招梅花亦眼明
主人玉雪腸與花共空冷讀我遊錄罷賞我硬語橫
沽酒出上庫又魚自曾冰一笑問此間孰與山花清
一番又一番花事如踐更詩人生此忙往復相和鳴

桐、羅浮夢不遠在階楹底。須蠟五兩跋履求遙馨。
况君有家山蛾綠堪移情。双、對梅花卧遊無陰晴。
山梅如野鷺。每以蕭散稱園梅。如家難易為物色。經
詩人兩不厭。東鷺遠西紫。所慙思力蹇。莫窺昔賢局。
孤山一字妙。直掩江郎迹。微吟尚未竟。暮雲與花平。
連朝荔子靖。乘潮上南溟。雄視江鯨柱。風味夸膳丞。
梅花校資格。本不同時生。乃以遲暮故而得通姓名。
相逢成榮者。鼎足稱三星。我亦遂傾尊。肯復遺奇零。
花寒香更古。客醉眼各青。醉影同橫斜。寒光愈窈騰。
吟罷再呼酒。一卮酌長庚。大造有清氣。梅花所以成。

詩人分其半。誰歟復誰盈。何不竟化身并作一體呈。
朱鳥天中未有光。何昭熒莫隨流。鶯醉媿彼古梅醒。
一醒一醉間。願盼良娉婷。春光漸可溯。夕陽蒲都亭。
吾儕亦惱亂。何以偃柴荆。醉即暝花下。醒即尋詩盟。
李即和我句。清妙如陰鏗。險韻枯絕處。梅花默致靈。
我鼓已哀竭。幾將陷陰陵。梅花如有知。亦恐攢眉聽。
座中張公子。五言擅希聲。願君再挑戰。莫令憑長城。

謂烟
典

重三日偶然作

東風新放青。宿草不可踏。蒼龍為之怒。連朝呼折美。

夜聞萬蟄蟲蠕，更雪，所憂玉蘭花魂散，難為攝
 江千士女殷，索莫阻步屣，苔痕上綠階，墨雲染白恰
 天方啟閨，餘客無怨沾濕，且待舍桃登重理，永和帖
 展重三日，從先公墓下，歸道出仲夏，李花盛開
 省墓餞已畢，放棹沿流，泉聊以補上已，兼之訪隱仙
 名何來，瑤光星散，落億萬千，朗然自高潔，白雲巢其
 顛，桃花如妖女，特以濃見憐，李花如靜女，乃以淡更
 妍，是中分雅俗，不為肉眼傳，溯昔長谿履，蹉跎且廿
 年，故人化異物，春露委荒阡，義門堂約為長谿浩歌
 感楔事，碧水生寒烟

安晚鄭忠定王集世不可得仁，和趙氏近購其
 詩七卷，陳解元坊本也，喜而抄之

夢路師相本清才，可惜端平晚節，乖縱使勳名，慙涑

水肯教薪火墜，西山以司馬文正推安梅花詩

思猶餘墨，槐木園林已伐，安晚墨字韻梅花詩累

鄭便擬釀成安晚，鄭氏酒名醉借來，送徑一執，皆安晚

鷺洲侍御服闋還，朝集錢分韻

藤陰對酒夕陽低，南浦離襟珍重題，魏闕江湖紛聚

散沙，岳猿窟各東西，花迎穀雨多，放馬恣湖光故

嘶，努力匡時公等在，漫即只合醉如泥

杭二莖浦以閏重三日為禊事之會于湖上大
守鄧純夫而下至者四十二人蓋自劉仁本
續行此舉于姚江在元正中今四百餘年
矣

運邁永和一洗塵北春以閏長尊因雨茁瞻我朋好
理我筆札我醒而狂莫投我轄

今日良宴會群彦相景從緬懷洛水跡却聽南屏鐘
曠懷寄我真鴻去忘前蹤照時無不祥流泉清落
風日初晴薄遊湖上聖因寺中花聖久閉沙弥
以予至啟之屏營良久

幾憶當年鳳輦來重湖簫鼓徹層臺橋山弓劔却仙
去寂寞薔薇一樹開

題文待詔風木圖

待詔為其先人溫州小祥後作也其題句云
肝腸屠裂恨終天已抱深悲過一年門戶漸
乖非復舊兒身善病只如前春風手澤庭前
樹庭兩精魂陌上阡做上清明寒食節又垂
双淚看新烟詞旨悽愴令婦抗人趙君谷林
兄弟以懸其先人遺挂之卷各和待詔原韻
予亦有作

春暉莫駐奈何天，幾憶衡山泣血年。妙墨飄零易代後，白雲飛送二林前。報恩應待崇公表，極目長懷越水阡。最愛園中新葺木，清風時為拂爐烟。我亦深嗟不造天，鮮民負疚自年年。竭來水閣山窗下，慙對慈烏孝鯉前。剩有遺容傳舊德，更無好夢到新阡。披圖讀罷空三嘆，一片蒼涼木末烟。

題宋樓楚公墨莊太室二十四峯詩卷後

一轂雷碾青山過，萬捲風驅白雨來。珠重黍零舊吟卷，不隨沐浴共飛灰。

兩詩

墨莊萬少諸詩皆參寒所書也首二句即墨莊與參寒山中喜

臨平謁申包胥廟

聘節當時過祠宮，奕世傳應從治吳。日重潮哭秦年事，擬巫臣後功居范蠡。前遠文真上策秘，計失遺編報復亦何定。仇讎竟忽為先王，吐積憤膺使壯婦。鹽望裡皋亭樹空中，寶鼎銅陽江越絕。近千里，即都懸蹕騎，疑封爵。益官接廟壘，吳亡已百幻。恩怨合平捐，若遇乘潮客。休題鞭墓愆，我來初夏節。新麥荐神絃，臨平弔故陳將軍萬良。

蒼頭特起誓平吳，回首江東望眼枯。痛哭洛龍祠下，寨淩風碧血兩模糊。

茗上訪蔡齋

風送故人至花添新雨涼山青容吏傲曠簡為蚤忙
麴部隣烏氏宗傳本鄭卿如何未點突借寇又皇々

蔡齋先世本是吳只是日
適天部又有推障之信

暮月姚江令辛勤為疲民此東暫安隱依舊是清貧
東帶原非志承教且屈身白華真鶴為愛滿陵春
夙有抄書約愆期竊自慙欲由嗟趙弱無歡笑虞貪
一諾定難負傾筐故所甘祇愁扶質意齊我又何堪

蔡齋借書于董浦與予而
不徒乃由前所借以為質

蔡齋出示愚山先生秋林讀易卷子教題

敬亭山色九秋寒中有仙人獨弄九一代風流零落
盡剩餘無恙舊林巒

追哭林晴江太常

晴江敦篤古道不類吳松間人其官翰林授
經和碩怡親王邸中予不甚往遠也晴江對
客過情見許之詞有為予皇恐不敢受者然
予尚未之敢信及陶四禕中使蜀晴江送以
詩陳義慷慨直指近來撫臣厲政言之凜然
予始驚服以為此今日館閣中胡陽之鳳而
同人無甚知之者予去官晴江謂禕中曰謝

山竟出國門令人不可為懷聞者感嘆日來
晴江漸致通顯官之列卿此足為魏棘間稱
慶而遽以隕落可悲也乃病中忽三期年後
始哭之負故人矣

感君意氣最真醉不獨交情泣鬼神直道抗言當世
弊孤根耻傍要人津談禪玉縉應揮座頷曲周瑜
共箇一出修門成火別荒長恨竟誰陳

結埼亭詩集第五卷

甬上全祖望紹衣著

舟中與施生話海昌前輩事因及施兩菴職方

本末并詢其遺文施生對以里中從無知者

因嘆系海豪華淪埋無限當亟為求之即賦

古詩以下吳船集

東江建行營兩菴勳旌燾登其乘棹遊兩菴捍圍收
沉異不可扶斷絃不可續淒涼黃蘗山兩菴棄初服
故人唐魯公六棺淺土暴重趂謀一坏事在琅江錄
試讀卜葬詩可以當野哭歸來訪故婦已逐野鴛宿

遂老火空門碧血瘞深谷斯人竟泯、後火能無噉
世鮮吳立夫誰發遺民躅今君多讀書舊聞且滿麓
試為訪遺文如聽漸離筑柳菴重泉下定六一張目

湯千戶歌

丙戌海昌之師姜指揮以所部應俞監軍事
潰灰之此見于諸家野史所紀尚有湯千戶
者其灰最烈今海昌里巷中以為神多祠禱
之而惜其名之不傳也施生請予紀以詩

生為上柱國灰為閻羅王成為佐命勛敗為故國殤
其名字可泯其英爽不亡吁嗟乎此間鄉哀晚即當

抗靄山前遊魂傷入閻不敢見毅皇千戶神雖小蔚
為里社光羅刹江頭猶堂、

追哭陶穉中太常

五湖音問久寥、渴欲相逢話久要一夜怪風吹夢
冷廿年舊雨泣魂消直言去國良無媿醉酒傷生豈

所料從此故人狂簡性更誰散髮共招邀

之既放極矣而穉中又過之然予嘗謂穉中若與時
倚仰固不至左迂即左迂亦尚可四翔光祿鴻臚之
間以求再振而穉中飄然歸田竟以質灰是則其不
可及者時穉堂已病予見之白下數日穉中乃能如
此

題水木明瑟園

芳園好亭榭賦自小長蘆雲氣接林屋天光通射湖
掃除金粉澤想見大痴固謝豹花初放嬌紅媚酒罇

過澗上徐高士昭法州堂

為問徐高士流傳尚有居巖蔽長遍野岳卷更誰儲
大雅消沉後殘山涕泗餘曾聞湯憲使徒步此躊躇

弔念祖臺

一卷酸心錄書在堂亦迂

崔洵先生著酸心錄二十卷志前代事為盜所去

事曾聞舊史地應湖平泉怪石枯藤繞荒塘乱落纏
百年遺獻盡相對足凄然

此間兩仲子但不規先人死去猶埋血生存肯折巾

流泉共於咽喬木亦酸辛所喜清門喬貞心尚食貧

文公次子應符被逮于此

最憐生塲碣有婦隔幽墟未忍恕吾母何嘗忘故廬

山携敬亭色篋秘石梁書舊燕還無恙巢痕半已除

果堂挈其從子再過予舟中僕夫失足幾墮水

急雨飛滿裡勞君滑末猶携木瀆霧兼致竹林材

莫使蛟龍得幾為蛩蟷哀驚魂重絕倒破例一詼啗

果堂自言生平不作詈語今日見君乃一盡之

題文先生啟美手蹟後

舍人稱汎愛偶尔狎懷寧亦有番江彥同調焦尾敲

謂鄭湛若也故美與湛若皆以
散後文圖海而故美尤神之
江兵到底岐緇素何曾混渭涇
抗詞漳海獄泣血下

南枝先生賣字歌

始與之錢江州酒彭澤當年亦姑受秦餘山人更絕
奇一粟寸絲都不苟南邱開府真雅人兼金治標意
良厚豈期遺戒有前知肯令出宮翻失守生平賣画
聊易米今日雲烟已烏有許閑何處來寓公教載積
錢賣字久老生貯此不時需原為山人謀身後同此
非力不食心画耶字耶特轉手開府雖非盜拓金未
若清風來好友山人葵罷寓公歸依舊深藏餓隸手

蘓人造為所南心史舊本索高價不一而足然
即係舊本亦屬海鹽施叔祥之筆並非所南
故物也閻文百詩蓋嘗辨之而吾友厲二徵
士獨以為真則嗜奇之過矣是用作歌以曉
蘓人無寄微士

鄭君督井物出之四百年一朝承天寺觀者何喧闐
謂為神護持用以持沈寃誰知考張霸近構自益官
其妄且無論其妖則信然無端作此偽似亦得氣先
何異天津橋忽焉聞杜鵑當時數巨公大半殉烽烟
玉筍與虞孫足並文陸傳降而亭林徒亦與鄭比肩

遂不復致疑百口板相沿論世適相肖論人適相班
志氣所感名誣謾皆機閱迹來書估船益復造舊箋
裝潢審行墨動索十萬錢不足供一笑誰攷潛印編
我昔在三館曾見錦綫編欲抄竟未果至今魂夢纏
何時得此集倘以所再蘭緘之示諸子斯價直琅玕
所南錦綫集于
永樂大典中見之
泊舟吳門訪得姜貞丈先生遺集其孫本渭即
屬予編次因寄穀谷林父子
此行無足供清娛喜購梁鴻殉墓書小艇孤燈排月
表墨痕猶和泪痕儲

敬亭遺稿得連珠殘瀟蒼涼張杜余他日東歸足飽

看一瓶還侑百瑞璜

稿載稱恭茶
村澹心三序

次山侍御以病謝客小詩奉呈

講堂細讀倉公傳弟子悲吟菜苜詩有客到門還與
畫屏營斜日下山時

江左大吏新得請為故檢討楊公維斗立祠蘆
墟此盛舉也喜而有作

勅下泗州寺旌忠思命殊喜看滅頂地重作兩牲區

古柏重生蔭

古柏楊
氏堂名

荒蘆尚有墟獨憐卧子輩何日

共芳醪

果堂問予近日所著何書予無以荅也乃索近
所詩而去

星霜催短髮未有一書成慙媿不鳴鳥空憐太瘦生
健忘將輟業有感但言情輸尔觥：響重茵獨擅名
閨後入夏決月猶見紅蕖

春夢尚當階不隨餘分去此番花信風難挽驪駒駐
我唱無庸婦嬌紅且小住

以書屬太倉州牧求宋文菊齋春秋及遺集

崇沙宋公古君子一言一動歸正始病狂豈果是真
狂只求牡蠣灘頭或六年窮島血淚枯求或不死為

保孤鯢淵相國藐一綫百死不逃囚俘藐孤既色
且賣葉不灰刀鉞或窮約尊攘之辨何皇：耻道符
秦王景畧使君新命牧名州圖經舊德應旁搜崇沙
潮汐鯉魚便莫令阿儂穿双眸

題楊高賢手蹟後

商賢為副都維垣之子嘗避地至吾甬上予
少時頻見故家中有其唱和詩然以其為副
都子不甚留意也及讀愚山先生所作墓志
而後知其人蓋邪居實趙德夫之流不以家
世累其賢者乃自悔前此不收拾其詩去年

錄甬上耆舊頌及寓公而商賢詩已散亡不可得矣今年于吳中書肆見其手札為題詩于後以志吾過商賢名彭齡嘗與金忠烈公

鉉同講學後卜居舊都施葉渡

中丞一灰事難詳補過還資雅鳳良施葉渡頭長恨

在清流洗出碧梧香

副都之友不覈梨洲先生辨之然商賢之志節固可哀也

前大理雍公熙日字辰生一字耐廣徽人而居

蕪最為萊陽二姜友貞毅避地浙東辰生

同之貞文勤王西陵辰生同之及貞毅兄弟

北歸省覲託妻子于其家其卒也諸遺民上

私謚烏辰生嘗至甬上予向蕪人訪之罕有

知其姓氏者姜氏後人雖知之而亦無從求

其遺文矣

百年尚未有篁墩誰索黃山故老碑猶仗敬亭兄弟

力得從孤貉口中存

吳市見白杜鵑花

望帝已去國羞陳故赤符嫣然擁白恰瀟洒出江湖

謁湯文正公祠

經術原經世如公曠代希百泉承學統中岳有光輝

建節甫數載移風已庶幾伯淳菴未竟吾道豈終非

屈指諸前輩終無第二人尚存吳苑祀未荐頰宮茵
道以躬行重人從述作論甘棠猶百世盥手酌青蘋
近日方侍郎靈皋請公從祀
禮臣以公少著書遂格其請

滄浪亭

一畝行吟地風流尚未寒
棄材良可惜召謗不無端
放浪需山水摧殘感鳳鸞
漫堂今亦少誰足供清歡
沈寶研以其子不肯習舉為虞詩以解之

此是朝陽鳳今從何處來
他年學成後一決震風雷
老子真多事即君慎別裁
荒田埋八識從此障雲開
題姜如農侍郎荷戈圖

七尺疑金鑄須眉尚儼然
茫亡國感忽荷戈年
甬上曾弭節先人辱贈箋
一軍驚失守連跡各殊天
珍重山居誓蒼涼野哭篇
哲弟棠蔭在賜廡海隅懸
傳託詩無敵螭蜺話足傳
先生至吾鄉見歸埭
諸海錯迤疑不下箸歸東
聊墮馬哭弟幾摧絃族未零
王葛居胡變海田清高
肅遺像感緊望遙陣式里
重思舊披圖顧執鞭可憐
廿四氣早已化雲烟

題靈岩儲公騎牛圖

三月十九是何日騎牛野哭荒山顛
乃公耿耿攀龍意
度語登堂孰與傳
儲公嘗登座說法忽問曰今日
山河大地更是幾番皆愕然不

能對儲公
潛然而下

南州高士清不染獨許乃公饒
巖薇居易齋前蒿送
熟牯牛遠往提如飛謂俟

東陳觀察齋齋

副使左遷後出居樂有餘到門無雜客
插架擁多書
白髮親能養黃金笥已虛諸公方逸
敢吹蒲吳餘

舟中編次南雷宋儒學案序目

閩洛源流在叢殘細討論
茫、湖薪火渺、見精魂
世盡原伯魯吾慙褚少孫補亡難兀、誰與識天根
故太僕陳皇士木瀆別業今歸相
鄉汪氏

太僕園如昔于今幾歲寒抄詩禪國史選佛挂儒冠
太僕有替補詩選又嘗賦歲寒詩和
老過海內今園傍尼菴其香火止 梧竹曲餘蔭池
臺湖古散靈岩在何處清籟出雲端

題秦餘山人畫芝卷

莫憂淨土稀尚有吾廬在
采、神芝生附以石磊、
瓦蘭不画地翻笑所南隘即用山
人語

家居十載故人誚讓蝟集獨彭侍即芝庭白吾

觀同館諸公蕉萃已極安得如謝山之春容

自便不禁有感于其言

鮎埭亭下對蒼蒼讀易忙時且下簾敢道玉堂天上

客不知漁父津中黔八磚筆札誰雄長一研萬畝我
薄餐祇為向來無遠志守雌守黑更何嫌

道南祠下雜作

梁谿泚、惠泉清流出龜山木鐸報怪殺荆舒猶未
盡至今茅葦竊科名

揚門學派盈天下我受堂、喻子才一語六龍安隱

渡豐公手掖魏公回

喻公晚自履
陵寓梁谿

文簡文孫本石賢文章載道亦巍然如何吏禍消沉
後流落震芒總不傳

河津尚自費鉞砭此義秋霜夏日嚴不愧兩公惟吏

卻到頭一灰比飽甜

葢山與高
忠憲公也

老成逝後失儀刑二曲西來更謂經誰復風流如駱
守匡時要務據觚聽

有懷少保吳公揖山時行匡中通携少保海外

遺詩

老臣久仗波為國厲鬼還教火浣衣尚有指南殘禁
在詩魂環繞故宮飛

譚家洲

為吊木城跡猶餘鐵鎖箱南風三日利白下百城嚴
天定人難奮時平兵不占暨即亦健者竟逐殺星城

時以殺星
陳破京口

追哭謝古梅閣學

故尚書雅州馮文正公官江西時以親老謀
所以歸養者時例有兄弟者不得歸養而外
官賜告非特養則終身不涖起文正故有異母
弟大吏以是運疑今以惟宜請文正曰有弟
而云無弟是事所以愛吾父也且歎吾君遂
以病告竟致其事時年三十有三其後卒以
荐起古梅官編修時謀歸養私自念曰今之
得請者皆名終養是待親之終也其詞不順
心以病告居家人一十人臣子者當以法及
足適配文正凡為人臣子者當以法及
古梅除服屢起不二年至閣學且將大用矣
適以病卒于興古梅未嘗相識每從臨川先
生及吾友抗編修荳浦得聞其賢古梅出山
于己罷官歸矣已而游丁先公先太孺人之
眼予婦尚曲滯京師不能奔喪古梅親至却吊
唁慰問且謂人曰以此來不得見謝山乃一根

事予婦婦具述之于方擬致書謝之不料其
灰之遽止古梅雖驥官至二品歲月淺未得
有兩歲持尤可惋惜時予方廢業未得
為詩挽之又六年迫理其言不禁腹痛

通夢神交二十年范一且隔重泉鮮民未解象魚

恨遠道俄傳鵬鳥篇賣志竟歸春夢裡新魂遙哭楚

崇前閱書他日傳醉行粹白如君孰間然

辛浦以入觀端先過京口一日不得相見

馬尋舊路君行速風滯征帆我到遲相遇甚艱相念

苦新詩幾許橐中携

得衡陽謝令札請改南遊之棹于明年

未有昌黎銳猶然阻望雲夢隨彭蠡鳥先謁洞庭君

感懷

以下詳江唱和
第二集

古人觀世道首重在人心天地縱多故此志終昭森
其或不然者天地且昏沉是以子孟子苦口距詖淫
斯人方寸地治亂所侵尋棄中流壺區：千黃金
自從炎漢後二千年于今人心雖日替猶仗一錢任
有時見暇日一晷昏靈陰有時遇震雷一發啞鐘瘡
支架此天造廓清良有玉胡為邇日東澆薄不可禁
凌夷成痼疾沉綿日以深漸且入膏肓醫和無能鍼
四民縱殷阜亦復非好音而况日局促游魚在沸鶩
普天苦人滿衣食堆為周農也願力耕所苦乏田疇

再易三易地高價十倍求商也更大耗子母不見耐
架虛以欺人強半成漏舟桓：者兵耶簡練尤繆悠
其寔乃市人何以祿好仇更有諸勳術生齒日以稠
不耕而不織糜餉生若流勢且蕨可絕道在豫為謀
空教

聖天子玉燭親網繆諸公稱股肱而徒安苟偷足食
與足兵果何道之由

文章雖小道元氣所節宣三才有橐籥冥：嗑其間
隨運為降升良亦非苟然列朝諸著述大概畧可言
有人一振之旋轉蓋如環而今胡日下東流勢不還

強者成臬狐弱者成寒蟬天地失正教莫過羣兒喧
其在洪範中咎徵豈無端杞人竊搔首作詩志憂患

韓江詩社浙中四寓公豫為與榭荳浦蕙田與

子也然前後多參錯予不到韓江二年矣今

夏之初館于嶰谷奮經堂中同人喜予之至

而惜三子之不偕即席奉答

昔我來是間行菴方維始性德渡江歸視事幾勞止

迢迢双鯉魚莫罄論詩旨轉瞬三夏間相逢互歡喜

重來訝新筵舊雨逢改履東西萬貫管各長孫子

閣中古先生微笑一彈指倒屣增洵悵披襟消塵滓

今年海暑早火雲迅于矢受茲別有天薰風環圖史

諸公冰雪腸吐句清斐齒而我已才盡坐笑彭亨承

暹湖浙河中水雲正清泚故人夫如何梁月共徙倚

復齋撫軍卧病予至扶掖出見為之悵然

當年開府鎮呼韓願盼能教毅胆寒幾度風饗燕雪

酷三彭豎子得摧殘

當年上殿荐甘盤夫日功成奏治安今日江湖茅屋

裡瓜棚豆畔病中看

一飯三遺亦可嘆誰教報國夢魂閑祇應漫與消岑

弁閑對楊枝美菓丸

半查有子五歲能誦唐宋人詩琅、可聽
 此是君家事垂髫已足徵他年吟社裡拭目鳳雛登
 姿地白眉秀薪傳絳帳承祇慈丈、句幾許費糾繩
 客有詢及故相陽城公遺事者答以七言
 相君勛業應誰同田社祁公文路公斷、休、元老
 度渾、穆、德人風乞身宜為尊鱸恋上殿長懷布
 粟恫此事誰人成補狀莫教綸閣泯孤忠

蕙田問予東武四先歷顛末以詩代札

鷺島波清裡曾頌此一編白頭餘二相墨制志殘年
謂路公振飛
 曾公櫻也 五指唯傳信長垣競著鞭
時海上
 有二期 我尤

憐亞子壯志亦軒然

題方浮山先生畫

白石不可爛殘山尚自開携婦嶺嶠色都作画師材
 蕭散通神悟嗟我負劫灰西崦話遺事蟬脫有餘哀
 唐堂為子言其同里故吏却張君忠震之賢予
 素未識吏部不料其植節如是也

殿上更無胡侍講天邊遍唱李龜年
 穢猶喜双清挽逝川
 消夏什器偶賦同嶰谷兄弟

倦倚藤牀去新傳旋氏工象形疑有底托體愛虛中

照據增安隱清吟退蘊隆飽尊暨瓦缶伴汝共薰風

右磁隱囊

此君真不俗衣被足神清率率耐寒友支離觸暑行
結末金瑣碎掩木玉琤琮我欲鑄詩句應加汗簡名

右竹衫

火龍來下界忽阻松毛陰涼氣度香氣古心清熱心
雨餘添鬢翠風至應清吟祇恨宵分後明蟾不可尋

右松蓬

橐籥生噫氣能教蒲座涼吹噓奪真宰旋轉在中央
天上南箕怨人間造父良願言推此術解愠逾窮鄉

右風車

矢口能呼雨推翎尚致風鄭隱應一笑塵陳薄涼中
尚帶浴江色休忘扑火功青衣遭毒手高舉愧孤鴻

右鶴毛扇

雨中聞蟬

簷雷忽暫住好風來前楹郭公正露醉齊女俄長鳴
報舍嘉澤潤律中小素情連朝矣雲解乍疑秋思盈
木杪紛飄耳根空冷微禽亦自得哀怨歸和平

南圻訂為環溪州堂看荷之行甫至程氏蔭園
兩甚即坐其亭上看荷東諸子之先至環溪

者

甚雨阻前路况已有荷花無雨空延佇得半小自嘉
妙香出水面清潁浮林樞且作碧筒飲渺矣溪上槎

飯後雨霽復至環溪

夕陽念雅集洗出空明天竟逐合井期判圭成天圓
把酒醉芳塘同氣偶殊阡一笑看新水應月生寒烟
次日自環溪入城又雨復坐篠園過午聯句再

東諸子之先歸者

暑雨將雲變態多竹町陳章衝泥得此經過花因信宿

分榮落

謝山全祖望

人亦更番巨嘯散空機坐束移酒榼

玉井閨華

小舟撐出晒漁簑烟波別後應相憶南圻陸祇鍾輝

恐塵埃負薜蘿

竹町

哭萬學士孺廬

一代儒林望

三期侍從臣半生長護落垂老搃

遭屯蓮洞宗傳舊槐堂學錄新中爰筴秘密五字莖

清真寂寞柯亭長蒼涼蒸大神孔融總結契玉瑜竟

為隣分以忘年畧交緣講道親閱情在性命餘事及

昏姻各有終天恨爭憐同患身重江隔雲樹列宿阻

參辰放棹毗陵口聯床印水濱所聞如邃密相惜為

沉淪我已甘鋤菜君還嘆積薪稍傳為翮展未遂驥

塗伸存問空千里睽離又幾春此情長不替再晤更
無因星隕蓬山暗妖鶯鴝鳥呻斯文正零落後輩安
紛綸敬札今誰託靈光忽以紙垂纓識元冕竟夢定
返廵

東城作小秦淮道古詩束索佚事荅以五絕

蜀岡一帶紛環土中有陳公窆石銘試向白楊林下

聽猶聞瞑目詈三經

陳了翁墓

仲即遊治六微疵天語皇々責降詞聞道年來崇洛

學風流口過莫為之

謂仲浮山

槩菴博物良無匹手記僧騰客事來誰教東行尋舍

利至今入定未曾回

謂李德印

絕學空傳秦曉山弄九貫穿古今間可憐直自西周

後男女交親未轉環

時會堂前茶話送甘棠球上長蓬蒿而今誰肯揚州

或禪智山光總寂寥

題宋徽宗摹張護搗練圖

上有金章宗筆今藏江都陸氏

道君皇帝摹搗練力為張護開生面秋風遠溯白帝

城奎章忽出宣和殿風流天子愛閒情野杵村砧却

不賤完顏國主小後人定相流傳習未交明昌御室

何皇瘦金題字猶完善吁嗟乎天水碧太師青均

此搗練之聲所釀成一約之絡四維傾令我手披東
絹不勝情

題張琳前輩萬梅圖

上有正靖遠
詩今藏馬氏

枝南枝北無美枝想見下筆淋漓時花光醉倒玉
遠筆力俯視楊補之寒碧亭前風信動龍城夢中美
人思四明画史增遺佚題詩為報卽卽知

張廣文之
繪事吾鄉

後輩莫有知者卽玉
冊四明画史亦失之

嶰谷招集行菴見黃葉滿庭偶然有作

我亦同黃落何堪置此間天心釀風雪客况阻河山
瑟瑟瓦溝掩蕭蕭庭院間亂雲封貯處根觸感衰孱

小玲瓏館主人為予置裘賦謝

幸托春風裡原同挾纊多因之長繼終不覺夕婆娑
轉眼消寒集驚心卒歲敵故人能念我日飲且無何

唐堂宮允歸吳淞

又復分襟去相逢曾幾時歸鴻驚旅夢小雪感離思
楓葉丹砂色鱸魚白玉脂故鄉多故趣寄我到家詩

嘯齋招集同人賦寒色

高穹都縮瑟不獨我蕭然元酒淡無力孤雲閣自憐
箇中叅太古象外識枯禪安得騶生律晴光忽滿前
茶塢以予酒餽嶰谷同人集賦

有客從吳苑提醪到廣陵名夸京口重色帶漫塘澄
 駟馬猶連姓頭驚並擅稱古香傳吏部清德湖中丞
謂玉立九瀛二先生也
玉立尚有鸞灸法最佳
 今成往事聊尔集吟朋入務巖流品分曹記獻徵夷
 然笑苦露何以署清澗氣稟金沙洲泉從地肺蒸杪
 冬香雪貴相傳是酒以雪和泉水為之故國舊聞增卧甕君休提
 哺糟我尚能東南無此釀滄酒或同登

題蕙田夜雨圖

君家群季後人多玉折蘭摧喚奈何我更披圖增一
 慟藝香山下吊棺和謂王立甫

周忠介公墨城詩為沈寶研作

此研猶餘碧血痕蓼州手澤重瑤琨
 從晉浦湘毅共吐吞堂部已隨城社化墨池剩有水
 雲存風流更憶寒山叟一卷長箋應細論研為寒山所用後以

贈忠介

宣蜜脂粉合子

姜宦洵家物也余板橋陳迦陵則未覈子視之乃合也今婦相知汪氏

宣箋細寫故宮詞更藝宣蘊炙手特珍重西江新合

子六宮爭棟貯烏支

太平天子富共球陶正承恩供奉周汝定官奇齊下

拜殘膏曾漲潞河流

姜即滿洒佳公子蓆帽行吟感慨深聞對綠窓陳素

素一編題識幾酸心陳素：宦拘姓人也

峯山宮允解后吳中退謂茶塢曰此公豈能長

置却壑中者笑而答之

故人相逢木瀆上陽春蒲座忘窮冬白華堪羨循陔

樂絳帳且作傳經宗久矣心情諧猿雀是誰骨相符

夔龍升沉枯菟莫須問相於泥飲傾新醖

瓶花齋早集咲臘八粥同周京穆門金志章江

毅厲鶚樊榭丁敬鈍丁梁啓心葭林杭世駿

葭浦吳城既亭聯句

歲序何匆、穆門彈指忽屆臘撫管仄再飛江捫天星

一匝其月著漢家樊榭其日重楚夾浴佛東京遺鈍丁消

寒我輩法吟社邀襟設聯林山館喜簪盞但期一飽佳

浦况復七寶雜果兼檜殼謝膚山米零龔勺合釋之復

採之既亭載剝還載插瀝泉宜芥水穆門升馨應焚蒹漸

看粳粒道江報莫教火力乏汨：乳泛樊榭溶、醅馮

榼醞酬條以成鈍丁和齋罔不洽宿辨勝咄嗟設林群起

占嗟嗑坐擬集檀林葭浦圍如礼花塔不待木魚呼謝山

爭訝水鳧喋流散滑凝脂既亭磊塊利用栝倚以新每

牙門下以乾豆美口香聞諸天江毅腹果傲古衲時方

雞三號雙晨光漏簾押長明燈未燼丁純盈厨忙僕妾

熒々玉井光林中天何敢飲利益瞿曇云浦家風宗

靖荅無詳放翁詩謝山膏志吳郎劄新交四九辰亭山

茶放紅恰有客重江來門將鼓東歸揖蕭瑟度歲資江

清新紀遊筮斯人依食住樊多苦理生隱魯公半月

困丁純猶傳乞米帖我輩叨豐年林文史佐歡狎歲事

舉上寅浦明篋搜某甲流連及曛黃謝山暮鼓敲磬々

相期更卜夜亭淨糜繼絳蠟門

結埼亭詩集卷第六

甬上全祖望紹衣著

萊陽姜忠肅公祠神絃曲有序 以下 偷兒棄餘集

祠在象山初忠肅死節其次公貞毅先生以建言櫻烈帝怒
不予卹南渡始有贈謚祠祭而山左道梗郝王亦遽亡東江
之役長公如圃先生方知家山於是監國遣大理評事王公
石雁即縣建祠致祭并祠其一子三婦一女之同死者貞毅
貞文之至吾鄉蓋以此也來祠為廣文博士厲舍海隅僻
未消尹鐸之城已陳百年以祠為廣文博士厲舍海隅僻
陋矣莫知忠肅為何如人也近有姜生炳璋者象山後起之
秀來問余曰忠肅何以得祠象山子以顛末告之生乃拂拭
其粟主且言於廣文分學田以修祀事并將新其祠宇可謂
巨扶世教者也予既銘其麗牲之石復譜神絃以貽之

神之降兮海東羽旗飄飄兮光瞳瞳誰使神無家兮
良可恫白版帝子兮憐孤忠招遊魂兮為寄公有兒

墨衰兮正從戎保茲香火兮賴茲提封神其來兮駐
我蒼宮

神之來兮海右謝嘉命兮稽首天使拜前兮賓僚拜
後可憐薄命兮殊恩難久五日京兆兮西陵失守六
宮野哭兮孤臣何有嗟甲乙之客兮誰某蒿萊長兮
孤兔走

神之來兮不歸謂是吾王之賜兮百世其依典禮皇
皇兮詎賦式微朝遊石浦兮墓宿天門之陸佳兒佳
婦兮追隨時有發鳩兮薦以蕨薇吳門雖廟祀兮非
神所棲

神之居兮寂莫乃有好事兮出空谷訪舊聞

錄謂國雖亡兮禮可續明祀淪胥兮斯文之辱

帝皇兮過之冥漠楚田雖瘠兮意不薄春有菊兮秋

有菊送明菜兮釀新醪甘棠已枯兮重濯以教忠

兮礪俗神其歆之兮不瀆巫祝

故光祿陳公士京遺集予求之二十年矣今春

人日忽得其手稿喜而有作

逋變風高漢管寧半生心此付滄溟海年竟向鮫宮

盡喟寓時呼蚤戶聽海年喟寓即公集名故國到今傳義士遺

文不沒有神靈昨挑七種新芽菜把酒長吟酌一瓶

樊榭以湖上春水船詩索和

消受春風何處住澄湖一葉足浮家薄寒因為添微
雨新漲多綠滿落花遊女愛歌將進酒詞人遍唱浪
淘沙嘉名筆錫從詩老不繫園吟好共夸

小寒食日全人泛舟湖上和楊東維花遊曲

新綠繡透陰濛一明朝知有清明風扁舟送到重湖
裡南屏山色碧于水當壚少婦笑倚門春愁飛上蛺
蝶裙願謂遊人識緩步前頭便是蒼公墓冬青花信
香不來願君酌之酒一杯酒酣長嘯傾墨梳詩成低
唱叶檀板東臺之東西臺西聊借花道漫興題春光

合為詞人使轉眼花期過廿四多情少婦乞短箋借
問即席成幾篇

和樊榭城北菜花詩

城北來看宿雨痕莖莖香氣正氤氳幾番花信寧遺
汝一片春心別有群誰為點酥和碧水遙疑捧日陽
祥雲退紅沉紫都零落輸與園官擅至文

繡谷山房藤花下小集分韻

東風吹過扶筇枝詩人豫擬戲春詞玲瓏簾下思手
澤角弓封殖何繁滋渾訝軒后蒼龍蜿蜒去胡髯忽
自空中垂斜穿倒掛不可數化作餘霞千仞輝一庭

新綠萬纏絡，雄虹雌蜺交。蔽虧上有遊蜂浪，蝶探香
窟下有落英片。投酒卮主人笑，斟琥珀髓。謂詩不
成，客無歸。我詩草，多率筆安渴。橫空硬盤與花爭
崛奇。

鈍夫觀察，巡視浙東海隄。次日為元已，屏去車
從，修禊蘭亭真韻事也。寄以二律。

變旌蕭洒度東州，令節閑為藪上遊。勾踐社荒小草
在，永和春老羽鷗留。山僧能指冬青穴，河女猶傳夏
統舟。記得明湖修閨事，曾陪高座叱羊劉。謂去年南
屏之集
萬壑春流送使君，相湖尊萊碧干雲。一帆已盡清江

勝十集，遂摹襖帖文高致，詎慚王內史同行。惜少鮑
參軍。時海防通守鮑辛甫
以日青不豫為恨此遊定有詩成錄越絕新
編續舊聞。

題藥齋遊金鵝山看桃花遇雪圖時有遷牧禹
州之命

金鵝山裡如天台，紅雨夾岫連岩開。令君援琴奏白
雪，一霎中天應召來。波下花先爭艷，樹頭絲鬢翻
漉。為支鷄素互生動，春姿巧惜冬心培。令君含笑
呼新醅，山靈為我潤芒鞋。河陽正惜滿卽去，不都尚
物利。卽回我六披圖長戀，身未入山神與偕。

夜讀漢書

英：漢武皇強仁更慕義六經置學官公車招俊乂
其如內多欲色取少真意天門高岩竟浮雲更迭蔽
將謂下界臣窺伺良不易誰知汲內史一言洞肝肺
於赫田武安淫威以以依親其且茂如寧復有倫輩
靡然爭瞻帝時以邀盼昧盼昧以難邀聊以免罪戾
吁嗟羞惡心于人豈不大所以灌仲孺裂脰更不悔
娥媚公孫子曲學善阿世及其謀郭解居然持斷制
直教大將軍俛首屈正議全時奸宄徒聞殺群喪氣
一事足表章未可言尸位蒞：論世餘公孫尚唯歧

粵若建武初生材亦已多乾綱正獨運十九遭坎軻
忽烏文武盡是誰潛折磨折磨回不恨其如國脉何
愛老與愛少志士恥揣摩可惜馮却中白首竟蹉跎
家訊至知昭兒已就塾

遙聞兒請業梨粟非所戀先人裘培傳危繫斯一絃
勿讀無益書貽笑賤偏賤

阿翁讀半世無救寒與飢里中新秦兒詐請固其宜
豈知君子節不以集枯移平生所願學豈不在昌黎
獨于訓子詩不為兒誦之遊哉善努力固窮以為期
從來名父子強半成碌：汝父負虛殼撫躬慚涼薄

幹盡在兒郎類我則已辱

晉江夜泊有感淮張舊事

中山燬火下襄陽王蔡請兇尚處堂一夜玉峯收霸

氣隔江南海墮平芒幅巾不為興胡屈銀椅終隨愛

弟成始悔連雞無遠畧上流失計聽陳亡中山王以襄陽燬破

吳軍

且莫論人成敗中鄭君終不負重瞳是誰浮海祈王

帥有客臨江吊楚公謂九靈夷白也應怪荒祠偏得士翻嫌

新主未憐忠更聞一掌柯陳地三百年未道未通友諒

之暴而有累世効忠者異矣

君王百戰定姑蕪逆命原非黔首辜不為一方紆積

困更饑遺孽有加租序書何必煩多詰筮易先聞罪

後夫近日累博寬大詔上吳始得免流逋于雲謂明祖之虐民

于吳為最甚

以十洲春餽茶塢酒名宋時甬上嘗以入貢今其法尚存于慈谿畧與得酒

仲伯

十洲春色好冲綾在神明坐笑濁醪濁來投清聖清

翩六從事遠到闔廬城風俗歸來後陶然移我情

信宿水木明琴園東茶塢

濕上沙水露靈巖雲從西山下水自東江分

積翠望中落砂香空際聞以野乃更秀以淡乃更文
 婵娟遺世立脂粉不足群賦才輸醜舫跋語推義門
 諸公不可作空餘醉墨痕而我但搓手蒼然對晚醺
 介翁昔經始一榻來松陵太湖感落日是亦百六微
 草堂成沙社高節凜明冰故園難改姓空亭未易名
 主人蕭洒姿足以嗣典型流泉不改碧喬木有餘清
 春來舊燕子繞梁還屏營可憐澗上居弥望已蒿芎
吴江徐高士介白築此園高士嘗賦太湖落日見賞
 于卧子先生今園中有介白亭不忘所自正隔岸為
 昭法澗上卅堂
 僅餘數椽

清才如吾子蕭散絕風塵生世偶不偶抱山作詩人

聊復與我曾泥飲消新昏泥飲亦自住麴部無垢氛
 五湖好池館足餉上皇民嗟我尚鹿、衣食困蹄輪
 何時得息檝葆茲淡蕩魂願為君灌園研北老耕耘

水木明瑟園阻歸

昨困矣蒸甚鳴鳩喚奈何中宵喧旅夢驚浪出林阿
 乍息怍、累如傳踏、歌曉來看池水新漲半篙多
 豈是山靈意勾由遊子幾雨呼公莫渡風唱客無歸
 花信行將盡濤聲不可磯浮屠休見請三宿戒多違
 主人應念我帶水隔遠村不惜淹三迳其誰共一尊
 空庭聞鳥語清思落苔痕明日應相見新詩好共論

水木明瑟園古藤歌

昔我遊京華及見三古藤其一尚書省猶傳文定舊
 都廳俄而吳田降詔出寒灰零其一海波街尚
 署金風老子名俄而富媪震橫裂活埋掃香冥其一
 合肥郎五傳槐棘相因仍臨川侍郎下我榻嗚于
 于和詩百輩羸湘北相公郎第以師生相授受長洲
 韓尚書嘉善曹侍郎韓城張尚書以
 至臨川先生皆官至九列林靈李甲寅十年落拓湖
 乙卯間子假館為同人咏古藤數百家
 海上春明存歿而感增驚見天平谷口雙崢嶸古根
 詰屈穿山出醞釀洞庭七十二峯之精靈踞地先成
 偃卧形老巖當道群貉屏欲上不上意磅礪忽然蹶

魚言卷六

一

起勢騫騰百轉千蟠故作態低頭下瞰紛長纓其心
 時復吐雲氣其幹將無間銅腥其杪迎風舞拂大
 垂小垂都瓏玲就中倏生數直幹岸然如絃復
 如繩空所依旁冉三升此尤怪絕得未曾浙中繡各
 亭前一孝差相亞細枝猶疑殊尹邨主人送佳木插
 架三十楹蜿蜒循蒿迤以曲折成入門未窺諸塢
 綠蔽天已見十丈青頰年三過此所惜未與花期丁
 是藤不花亦復佳礫石高節誰抗衡老我感舊空怔
 營

法螺菴采萼東茶塢

結詩卷六

八

魚言卷六
在昔黃夫子未嘗吳下尊誰知千里種田得五湖春
有客來董國前身小晉人偶過蘭若裡一咲擷芳津
津望先生嘗疑近日吳下尊兼無向謂其種
已絕不知尚有存者但校浙中稍晚出耳

果堂卷吳江縣志索予所作蘓寅侯傳因需其

潤筆以戲之

辛苦蘓儀却埋魂天盡頭雪交亭下法長共怒濤浮
吾友揚秋筆圖經仗闡幽講堂一束脯餉我亦風流

奴于胙營而通得三絕

餓狼鳴我前飢豹鳴我後果然揚叛兒一朝脫兔走
初筮喪僮僕再筮喪資斧剩餘筭中作斯人棄如土

遲我渡江返黃金或稍充癡奴如鷓鴣此去太匆

酒耘先生令譜元人竇莘所作予從永樂大典

抄之所載唐人令今無能行之者

事始原觴政于今盡夫傳如何宰天下強欲祖周官

午日秦淮燈船

故國百年消曠火遊人連櫂賞清時曲廊高閣還無
恙不見當年丁總之

觀音門夜眺

覆洲喧鳥遍平沙尚有鮭魚上酒家畢竟江南風景
好渡淮魚復此清嘉
梅湖三曰送詩喧鳥覆春洲吾
于盤子磯晚泊見之烹魚一醉

致足
樂也

涓園謁方丈望谿

平原放生址禽鳥猶清遊小山生白雲寒泉流紫霞
綉、高柳蔭娉、新葵花侍即此著書門外絕軒車
荆公論中壘強聒良苦多杜門謝世事聊足養天和
寂寞茲一區遺經供研摩猶餘韋孟夢定不召風波
叢殘古六藝千秋雲霧深來髮事討論萬老猶沈吟
揖讓昔人間曠然扶其心此外可勿問卸書任如林
廿年荷陶鑄十年惜別離六年遭荼苦餘生患阻饑
以此成慚負著書者無期猶喜素絲在末為緇所移

侍郎今年八十方七治儀礼自言加我數年當
更有進履且戒予不當為汗漫之遊坐消日力

溫國先生為睢州湯文正公發義憤事予已載

于其行狀中望谿侍郎偶及之予謂如彼人
者猶屬天良之不盡漸滅者也侍郎笑而然
之

一言惱殺沈梔林尚見斯人未灰心若使怡然甘笑

罵將無放膽混人禽梔林沈維
祖字也

晤寶應王太守孟亭於白門因乞其購梁公杖

先生兄弟遺集

葭湖有寄公鶴林好兄弟我求五噫文廿年紫夢寐

莫道羊叔子不如銅雀妓

題明太祖紀後是日以阻風因遊孝陵歸而賦此

恩威轉盼太無常幸保功名僅六王朝士空曹登黨

業書生環袂殉文章薇垣殺氣連天動竺國慈雲掃

地亡開國規模寧有此頻官亞聖亦倉皇太祖刑修之慘高洋

不是過也結以戒祖國脉耗甚矣幸而濟以仁宣

之寬大故得永世耳乃知壽國之功在嗣王也

曲臺浪說重經師手著宸奎錄孝慈並后已先陵冢

嫡奪宗何怪啟駢枝前星頻震終淪落巖塞輕封半

險危始信睢磷精意失不徒官禮致乖滿此論為前人所未發

然有至理存焉

漫傳誠意撤胡床草昧君臣未可忘此事終應輸漢

祖濠梁何處吊韓王太祖以事韓為詳見于刻辰國初事蹟後人謬言文成撤昧皆

不攸然殺之無乃已甚其實由之而不善也

誰是條侯可授遺滿朝勛輔盡陵夷天台學士真儒

者不救皇孫一炬危

江東袂合供偏安河北綿延控阮難聞遺車徒卜函

谷悔教弓劍瘞長干具官空擬神京舊亡國重增青

蓋歎盛世於今隆純絕肯容樵牧妄摧殘

江毅觀察見過

羨爾清曜甚蕭然似布衣偶然談世事依舊掩柴扉

祇愛微吟好深憂進奉非家山新著錄媿我見聞希

江毅方輯鳳山小志旁徵文獻甚博

題唐山夫人房中樂後元城刺忠定公極稱夫

傳中之見遺子謂夫人之詩足不朽矣何必麗之娥媵之末也

縣官粗解風雲曲豈有媿通群雅才一自朱弦三歎

後楚歌已唱盡興臺

當年隨陸皆文士握管曾無鼓吹音笑倒叔孫諸弟

子濫將綿蕙聽清吟

舊遊尚應酌王負神鑿還當貴許侯開國英奇婦女

子更添彤管擅風流

野雞人羸正紛爭樂府誰傳淑媛名莫侍衣冠遊渭
北淒涼永巷和春聲

謁褚文忠公祠和護林

故居尚表忠清里舊恨休歌娥媚娘天子一朝忘顧

命孤臣萬里踰炎荒浪聞節惠名曾易直到咸通莖

可傷唐會要載公賜諡而史失之三復梁即祠下句

我來欽衽媿顏行護林原唱有曰佳兒佳婦言猶

得穆堂先生信

年來喜報沉疴減近履皆傳眠食安荆國文章猶有

託槐堂薪火未曾寒雅知自任非遺世誰道佯狂為

棄官竊恐夢爭到王室依然岷強似神完望豁侍郎
順疑先生
以乞休故託病不知先生用世之心尚憐也

泊花池上尋荷

故人道山去雞犬都仙遊荷花六蕭索但有青魚苗
八公長踟躕斜日落西州

題史閣部傳後

當時若聽諸生策又費天兵再下車社稷終輸民命
重江淮千里免為魚札賢館微士有獻策者欲決高
沙湖水以當背城之借閣部不
可真大有功于江淮也而閣部傳中失之

聞道

聞道中書令親防瓠子河度支良不惜疏導竟如何
濁浪南來健危堤郭上過胡、卜秋汛莫笑杞憂多
欲與水爭地由來亦大難移民無上策沸鼎有狂瀉
國仗魚鹽重人愁井里殘誰其刑白馬拜表訴重壇
先漢王延世前明隋季馴腐廷方側席海宇豈無人
四瀆何當合長淮未可湮天心憐赤子早為降庚辰
篤師編修近忽佞佛至誠且篤貽六絕句以諧
之想發一斬渠也

又被旁門去一椎居然提唱震宗風直探秘密天花
藏不信温公與蜀公

先生經術更無儕不是元城即了齋莫似屏山鼓狂

舌生姜樹上安安排屏山謂李純甫

打鐘掃地差堪信割水吹光恐未然我是鈍根無宿

果輸君獨上竺西天

隔隣老卒詎諧惡一卷楞嚴拱讀勤試向雞鳴黍要

義東方晴色定氣范東叔告葉正則語

勾甬禪枝遍四方密公香火尚堂：明年可整東遊

履牙笏宮袍拜育王

詩人學佛最相宜切玉刀成游刃嬉從此相逢須退

舍速營藕孔去登陴禪是詩人切玉刀遺山句止

聖因寺

在昔 仁皇帝頻年幸聖湖山川荷明德花鳥獻

靈符黃屋神猶降蒼生望木孤白頭諸父老試習舊

嵩呼

谷林為梅里祁氏彌甥每見處度先生請藏書

尤寶愛不惜重價購之嘗索予所有范正猷

公集孫學士春秋解方深山易至再四以其

皆渡生堂物也予新之未致谷林下世予始

悔之乃以付東港使供之殯前而告之

東白先生親迎時東書堂前賦結稿太君解頌青箱

本即婿能教黃絹辭爾時諸祁已衰落殘籤利帙紛
嗟咨中丞止水血久化公子逐日魂無歸零落都綠

佞佛隻屏皆猶飽估書兒

蘇州先生曰祁氏藏書自
孝起學佛一切視為土苴

多半為雲門沙
弥持去賣錢

轉盼曠園

竟榛莽先生憑吊泪如絲

風流宅相真健者代且蔚為諸侯師小山揮架十萬

卷以視外家有過之凱風寒泉孝子慕青檀故物先

君思每逢淡生舊手澤購之不翅珊瑚枝擬得一卷

別著錄屬予為序陳慈幃白華之養在帶州一笑何

必斑襪衣更有王郎劈窠宇東書堂前歷劫遺王百
穀書

曠亭二大字
林以置園中

旁搜未竟騎霍去令我愁過泊花池

徐君所志在挂劍孺子不須陳隻雞即君試置兩極
上定有中宵降植恭

東潛論水心先生多所不滿予謂是宋史之誤

也當以其開禧上殿劄子正之

水心大功在王室在右餘于成矣日同心但有一平

陽幸挽宗祚免瓦裂

平陽謂徐忠
文公于宣

論賞超然謝殊迂

被錮怡然甘三黜斯人斯學真有用豈獨文章祿卓

絕開禧晚用詎苟同力陳疲兵莫輕率浪試曾聞笑

魏公輕言幾自憐龍窟且營堡塢壯金湯更緩征求

到蚌鮎為不可勝待可勝報警有道戰有術固辭草

詔感慨多乃有痴人如易校水心辭草詔山齋勅之

也俄而淮漢果土崩救敗終須勞一出斫營小試在

沿江竟退封狐得安集朝局再更論再翻營者流

妄周內及之由竇幸逃誅孝友摩碑偶見脫改頭換

面紛重來拮擊五人咨唐突許及之即由竇尚書也

其敗而摩之斯二人者論陋我宋史何冥蒙縑素糊

水心耳其言寧足信乎塗不可詰誰人權史洞觀火一為前賢洗誣屈永嘉

世嫡在君家南塘經術紫芝筆但莫放言貶曾孟斯

案還須重審覈水心說學多偉論但貶曾子孟子則真賢知之過矣

夜坐

會有西風作行看萬籟清何須怨寒暑一笑任虛盈
歲序白駒過道心孤月明高梧多夜色沈冥羨莊生

始寧陳憲使明時奉使交州携其牡丹以歸至

今猶盛甌亭為之索賦

海桑社柏幾推遷尚有名花城外傳萬里軺車思舊

德暮春風信動南天居隣鳩氏耕畬野事憶郇王剪

伐年珍重故家光故國不隨她新委荒煙

讀史小詠

方寸匆、亂婦曾自不禁晚為中執法無乃負初心

右徐庶

禮稱三不吊畏最笑人庸周家賢宰相後友魏韓通

右李穀

補史亭中客空山夜哭時如何撰碑事千古有微詞
按格之為崔立撰碑事本傳不載別見
王海南傳中子讀陵川却氏集而惜之

右元好問

長白詩人馬大鉢有讀淵明集句曰義熙尚有

関心事豈便義皇以上人董浦最喜誦之果

雋語也予為反其言以成其意

感時已嘆黃農沒遺世羞為漢魏音不是義皇真種
于義熙誰復更関心

寄懷茶塢

義公始終高弟稱李生友故人結客已嗟金盡舍杯

不道家貧

義公謂義門學士
稱李謂稱中太常

劉腸大類中散綺語又肖西崑賢者固不可測悠

此意難論

質亭憲使海昌署齋池館雜咏

其北有濃陰其南有微吟主人無俗韵此君亦虛心

右竹南詩屋

海波喜寧靜使君合高閑時聞菴花氣生香斫席間

右晏閑亭

漫天下飛白落地都做茫三春午睡醒詩思同清揚
右絮影軒

東西更南北妙蓮葉茸遊魚樂莫樂濠上正空濛
右魚戲閣

吳松若可招得半亦已饒所愁夜半去隄捷得無勞
右剪淞堰

題天池風雨端莊圖

濃雲如墨暝歸途風雨漫天一老夫青藤居士正沈
醉秃筆與之俱模糊

花間偶成

每于極盛須防厄看到將殘倍有情慙媿斯人長寂
莫不華不實度虛生

秋賦

新傳挾書律辱過湖巾時不道諸才彥終無蕭望之
夢中有客口占二句贈予醒而續之

四窓五奧諸仙宅双韭三菁大藥材我是玉皇香案
吏生天早已住蓬萊

中秋前一夕設林招登吳山不果移尊篁菴

天氣頗未佳諸君將安之老夫菊若好三筵待新詩
淮南叢桂下招隱是吾心有客咏遠志愁聞夜雀吟

謂樊

明月微濛下清酌曷再陳叙人端棹急定為捧心人

謂董

王生遭虐誣下箸幾遲回虎既呻以聽恣君一飽來

謂法

同人登吳山延慶道院看月分韻得天字

日昨中秋月黠然新晴喜上吳山顛左江右湖新漲
綠山色與之俱酒沿傑閣凌虛挹西爽候出草際鳴
發、斜陽欲落未肯落一角猶挂前簷前忽然飛玄
不知處清輝續照生寒烟寒烟和月墮入水精廬倒

影迷地天此時老子具不淺直欲凌風恣孤騫剴然
長嘯毅所到曲道猶堪五百年人生陸、塵霧裡安
得散會永蟬連良朋夜、共樽酒月亦無復肉與圓

護林勸予移居于杭雪舫葦齋二使君亦云然

而甌亭和之獨董浦有以知予之難于遷也

此間良足樂思蜀遠瞿然既惡善和書亦念原氏阡
以茲幾躊躇孤負卜居篇我家舊吟社近在孤山前

連劉諸高士清風定有傳重荷諸君意為續城東綠

先泉翁結孤山社寓居城東

他時倘幾幸得買陽羨田不妨一歲

中來往三江間所憂二使君速飛不我延

秋晴集聖因寺分韻

秋老湖光好細黍過時裏柳尚殘晴雲與日爭高
潔新水連天共蔚藍遠寺遊船逐婦鳥一林涼氣下
空潭祇愁鏡口吟張甚疏舞雖精未飽酣謂王

護林柳漁陂亭竹田小集篁菴分韻

客與秋俱老花偏晚放春涼風排旅闌爽氣集詩人
何處聞長笛齊未整角巾嘉名重九近白社有聞民

白海棠

鳩紅尚愁人何堪更縞素日暮暝垂頭貞心畏行露
重九雨止然晴色未老不敢入山因共同人閑

遊城東諸蘭若用米元章九日韻

疑雨疑晴未定天幾人吟眺罷觥船偶尋綠水來城
角但見蒼苔繞佛前此日清遊真寂寞他時詩句定
流傳木樨花落黃花早出吳鬪綠得地偏

味秋芍藥同護林

花譜以秋牡丹目之洞庭山
中花工為事改名蓋以其為
草本故也

小草休夸帶與鞋秋花尚冒殿春名輕盈定入揚州

夢蕭瑟終含楚客情暮靄凝時山共翠濁醪香處客

同顏老夫正有將離賦對尔能無百感生

莓厓周都御史先司空公石友也其從孫副使

汝觀先宗伯公姻家也今其後人已盡偶與
穆門微君詢其世次則每厓之裔迂杭四世
矣為之驚喜因勸其東歸展墓以存故鄉之
遺

城南韋杜舊通家喬木消漭云可嗟尚識中丞埋玉
地石人橫裂石碑斜

東潛以予脩學案購得直閣游公景叔墓志見
示張公芸叟之文邵公餗之書章公案之家
而安民所鎬也題詩于後

閩陝淪亡後橫渠學統涇呂蕪僅著錄潘薛更誰陳

石墨何從購遺文大可珍印公六五思鴻筆壯安民
讀方子苗詩

不波航口水菴東丹山頭雲漢百年哀怨未消
殘一卷遺音疑可作布衣何事與國家志士不忘在
溝壑平生許劍受勾餘墓樹西靡應如昨我教大招
詞足感橫江宦所惜夜悲歌十九已淪落

南湖觀張功父像

張即真將種不獨數詩宗一抑事幸濟終身願未從
象臺消壯志蕭寺無遺容寂莫南湖上風流宛可逢
觀湖同鈍軒

揚波相國伍重水大夫文白馬新來者遙知願令君

見董戶部
德脩集

前過京口銀山得詩二句而未就乃續成之

席中雷震斲玉鼓岸口反飛老兀魂聞道金山但坐

嘯曾無風雀共追尋

以銀山為金山近日
聞百詩始辨正之



